



Broj: 16-12-16-4295-~~4~~ /17
I. Sarajevo, ~~04.09.~~ 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH”, broj 39/14), na preporuku Komisije I za nabavke za potrebe Državne agencije za istrage i zaštitu u 2017. godini, broj 16-12-16-4295/17 od 28.08.2017. godine, u postupku javne nabavke opreme za prenos podataka za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u otvorenom postupku za dostavljanje ponuda za javnu nabavku opreme za prenos podataka za potrebe Državne agencije za istrage i zaštitu

Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2017. godini broj 16-12-16-4295/17 od 28.08.2017. godine i ugovor o kupoprodaji opreme za prenos podataka za potrebe Državne agencije za istrage i zaštitu dodjeljuje se ponuđaču „MIBO KOMUNIKACIJE“ d.o.o. Sarajevo, ponuda broj 16-12-16-4295-4/17 od 28.07.2017. godine, za ponuđenu cijenu 72.019,00 KM bez PDV-a.

Član 2.

Ponuđač iz člana 1. ove odluke obavezan je ugovornom organu, u roku od pet dana od dana prijema iste, dostaviti dokaz o ispunjavanju uslova iz tač. 12.1 i 13.2 Tenderske dokumentacije (original ili ovjerena kopija).

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 6.

Ova odluka stupa na snagu danom donošenja.

Obrazloženje

Odlukom direktora Državne agencije za istrage i zaštitu (u daljem tekstu: Agencija) broj 16-12-16-4295-1/17 od 03.07.2017. godine, pokrenut je postupak javne nabavke opreme za prenos podataka za potrebe Agencije, putem otvorenog postupka, za koji je obavještenje o nabavci objavljeno na Portalu javnih nabavki broj 1161-1-1-483-3-41/17 od 06.07.2017. godine i u „Službenom glasniku BiH“ broj 51/17. Procijenjena vrijednost javne nabavke je 73.077,00 KM bez PDV-a, a za što su novčana sredstva obezbjeđena u okviru budžetskih sredstava za 2017. godinu.

Za navedeni postupak javne nabavke Tenderskom dokumentacijom bilo je predviđeno provođenje e-aukcije u skladu sa Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija I za nabavke za potrebe Agencije u 2017. godini (u daljem tekstu: Komisija) dostavila je Izvještaj o radu broj 16-12-16-4295/17 od 28.08.2017. godine sa preporukom o izboru najpovoljnijeg ponuđača u postupku javne nabavke opreme za prenos podataka za potrebe Agencije.

Obzirom da je tačkom 23. Tenderske dokumentacije navedeno da je rok za dostavljanje ponuda 31.07.2017. godine do 12,00 sati, te da se ponude dostavljaju u zatvorenoj koverti, Komisija je dana 31.07.2017. godine u 13,00 sati izvršila javno otvaranje ponuda prema datumu i vremenu prijema.

Blagovremeno su dostavljene dvije ponude i to:

Redni broj.	Naziv ponuđača	Vrijednost ponude (bez PDV-a)
1.	„MIBO KOMUNIKACIJE“ d.o.o. Sarajevo	72.019,00 KM
2.	„SHOT“ d.o.o. Zenica	68.220,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Komisija je u cilju ocjenjivanja prihvatljivosti ponuda, odnosno kvalifikovanosti ponuđača shodno uslovima navedenim u Tenderskoj dokumentaciji od odgovornih lica Sektora za operativnu podršku (u daljem tekstu: Sektor) zatražila mišljenje da li navedeni ponuđači ispunjavaju uslove predviđene Tenderskom dokumentacijom.

Sektor je aktom od 03.08.2017. godine dostavio mišljenje prema kome ponuđač „MIBO KOMUNIKACIJE“ d.o.o. Sarajevo u potpunosti ispunjava tehničke karakteristike tražene Tenderskom dokumentacijom.

Prema mišljenju Sektora ponuđač „SHOT“ d.o.o. Zenica u Specifikaciji – Tabelarni dio koji se odnosi na digitalni radio repetitor pod rednim brojem 1.3.- Kabinet za ugradnju opreme sa instalacionim materijalom ponudio je model TRITON RBA – 04AS5, koji ne zadovoljava tehničke karakteristike tražene Tenderskom dokumentacijom. Takođe, prema mišljenju Sektora navedeni ponuđač u Specifikaciji -Tabelarni dio koji se odnosi na ručnu radio stanicu pod rednim brojem 3.1. nije naveo model baterije ručne radio stanice, iako je Tenderskom dokumentacijom tražen model baterije Li-ION min. kapaciteta 3000 mAh.

Prema mišljenju Sektora navedeni ponuđač nije dostavio certifikate o profesionalnom nivou obučenosti za capacity plus mrežu ili ekvivalentni sistem, kako je traženo Tenderskom

dokumentacijom. Naime, prema mišljenju Sektora ponuđač „SHOT” d.o.o. Zenica dostavio je certifikate koji nisu certifikati za „capacity plus“ mrežu nego uopšteno za program Motorola.

Uvažavajući mišljenje Sektora Komisija je konstatovala da ponuđač „MIBO KOMUNIKACIJE“ d.o.o. Sarajevo ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti kao i tehničke i profesionalne sposobnosti. Takođe, Komisija je utvrdila da navedeni ponuđač ispunjava i formalno-pravne uslove predviđene Tenderskom dokumentacijom. Na osnovu navedenog Komisija je utvrdila da je ponuda ponuđača „MIBO KOMUNIKACIJE“ d.o.o. Sarajevo prihvatljiva i da ista ne premašuje procijenjenu vrijednost javne nabavke.

Takođe, uvažavajući mišljenje Sektora, Komisija je utvrdila da ponuđač „SHOT” d.o.o. Zenica ne ispunjava kvalifikacioni uslove u pogledu koji se odnosi na tehničku i profesionalnu sposobnost iz tačke 13.3. Tenderske dokumentacije, te da ne zadovoljava tehničke karakteristike date u Tehničkoj specifikaciji. Zbog navedenih razloga ponudu ponuđača „SHOT” d.o.o. Zenica Komisija nije dalje razmatrala niti vrednovala.

Tenderskom dokumentacijom je bilo predviđeno da se za navedeni postupak javne nabavke provodi e-aukcija. Odredbom člana 3. stav (3) Pravilnika propisano je da se u slučaju prijema jedne prihvatljive ponude e-aukcije ne može zakazati, nego se postupak okončava u skladu sa odredbom člana 69. Zakona. Budući da je primljena jedna prihvatljiva ponuda, to u smislu Pravilnika e-aukcija nije zakazana, nego je postupak okončan u skladu sa članom 69. Zakona.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene iz tačke 20. Tenderske dokumentacije, te je sačinila rang listu kako slijedi:

Redni broj.	Naziv ponuđača	Vrijednost ponude (bez PDV-a)
1.	„MIBO KOMUNIKACIJE“ d.o.o. Sarajevo	72.019,00 KM

Nakon provedenog postupka ocjenjivanja, Komisija je uvažavajući mišljenje Sektora utvrdila da je ponuda ponuđača „MIBO KOMUNIKACIJE“ d.o.o. Sarajevo ocijenjena kao najpovoljnija i da ista ne premašuje procijenjenu vrijednost javne nabavke.

Cijeneći navedeno Komisija je dala preporuku da se ugovor o kupoprodaji opreme za prenos podataka za potrebe Agencije dodijeli ponuđaču „MIBO KOMUNIKACIJE“ d.o.o. Sarajevo.

Uvažavajući preporuku Komisije odlučeno je kao u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x,
- Sektoru za mat.-fin. poslove,
- a/a.

